

Zwei Alde

Sechd doa a Alde zu 'ma Alda - lass dei' Fango

Mir danzad Tango

Oder Fandango

Scho' schnürd dui Alde ihre alde Schdiefeledda

Er schaffd's dia fuffzich Hoar pomadich ei'zufedda

A' bissle schbädr sechd dr Alde: Godd em Hemml

Bei dem Gewimml

Kriag i' da Fimml

Si' sechd: Awa ond paggd en luschedbetont am Ärschle

Erschd goahd's uf's Danzparkett, noa goahd's en's Bett!

So zwoi vrriggde Alde

Send wie zwoi frisch vrknallde

A' schräges Tangopäärle

Di' Schdars von jedam Feschd

Dui Alde guggd zom Alda

Di' mehd i' b'halda

Flüschdrd ens Hörgerädle

Jedzd ab ens Neschd!